

stratione; in Casum absentiae, aut legitime impediti Domini Comitis Bani, qua alias Judiciorum inibi celebrandorum Octavalium, ex Officio, Praesidis;

§. 1. Locumtenens, seu ejusdem Domini Comitis Bani Vices-Gerens, aut alter quispiam, e gremio eorundem Regnorum, ad id aptus et idoneus, per Comitem Banum et Regnum (de Antiqua ejusdem consuetudine) pro Praeside, toties quoties necessum fuerit, possit ac valeat legitime denominari et constitui.

De publicorum Onerum Contumacibus et Refractariis supportatoribus; ad eadem compellendis.

Articulus 90.

Naturali siquidem ratione et aequitati conforme sit; illi, cui bonum Publicum commune est, onerum quoque publicorum supportationem suo modo communem esse debere;

§. 1. Qui igitur contumaciter talibus semet subtraherent et Jurisdictioni Regni subjecti essent; ut suis viis et modis eatenus adigantur et compellantur, justum omnino esse.

De abrogandis Tricesimatorum abusibus; Legibusque eatenus etiam ad Arendatores extendendis.

Articulus 91.

Articulo 13. et 51. praesentis Diaetae Regni Ungariae, benignissima Resolutio Regia; Regno quoque Croatiae et Sclavoniae communiter deserviet;

§. 1. Qui Articuli, ad quoscunque etiam Tricesimarum in Regnis illis Arendatores extenduntur.

De Confirmandis Praerogativis Nobilium unius Sessionis et Armalistarum.

Articulus 92.

Nobilium Campi Turopolya (prout et Armalistarum, ac unius Sessionis) Exemptiones, Praerogativas et Libertates, in quarum videlicet legitimo ac imperturbato usu, prae fuissent et ad praesens usque persisterent; pro renovatis et confirmatis haberi. *)

§. 1. Familiae demum Draskovichianae, respectu Bonorum Sztenichnyak; ita et Comitissae Barbarae Erdödy occasione Domini Bozilievo; non secus de praecavendis, remedendisque gravibus admodum Excessibus Status Militaris Capronczensis, Varasdiensis et Carlostadiensis; finita hac Diaeta, quantocyus coram

*) Confirmatur iterum; An. 1741. a. 60.